

IGLESIA CATÓLICA

[Officium Sancti Gregorii VII]

Officium S. Gregorii VII Papae, et
confessoris : duplex. -- [S.l.] : [S.n.]
, [s.a.]

4 p., *2 ; 12°

Texto fechado en 1728. -- Texto a dos
tintas y a dos col.

1. Breviarios 2. Brebiarioak I. Título

R-6845

OFFICIUM
S. GREGORII VII.
PAPÆ, ET CONFESSORIS.
D U P L E X.

DIE XXV. MAII.

In festo S. Gregorii VII.

Papæ, & Confessoris.

Duplex.

Omnia de Communi Confessoris Pontificis, præter ea, quæ hic habentur propria.

Oratio.

DEUS in te sperantium foritudo, qui beatum Gregorium Confessorem tuum, atque Pontificem, pro tuenda Ecclesiæ libertate virtute constantiæ roborasti: da nobis ejus exemplo, & intercessiõne, omnia adversantia fortiter superare. Per Dominum nostrum.

Deinde sit commemor. S. Urbani Papæ, & Mart.

In primo Nocturno, Lectiões de Script. occurr.

In secundo Nocturno.

Lectio iv.

Gregorius Papa Septimus, antea Hildebrandus Suanæ in Etruria na-

tus, doctrina, sanctitate, omnique virtutum genere cum primis nobilis, mirifice universam Dei illustravit Ecclesiam. Cum parvulus ad fabri ligna edolantis pedes, jam litterarum inscius, luderet, ex rejectis tamen segmentis illa Davidici elementa oraculi: Dominabitur à mari usque ad mare; casu formasse narratur, manum pueri ductante Numine, quo significaretur ejus fore amplissimam in mundo auctoritatem. Romam deinde profectus sub protectiõne sancti Petri educatus est. Juvenis Ecclesiæ libertatem à laicis oppressam, ac depravatos Ecclesiasticorum mores vehementius dolens, in Cluniacensi Monasterio, ubi sub Regula S. Benedicti austeriõris vitæ observantia eo tempore maxime vigebat, Monachi habitum induens, tanto

* pie-

2
 pietatis ardore Divinae
 Majestati deserviebat, ut
 à Sanctis ejusdem Cœno-
 bij Patribus Prior fit elec-
 tus, sed divina providentia
 majora de eo disponente in
 salutem plurimorum Clu-
 niaco eductus Hildebrán-
 dus, Abbas primùm Mo-
 nasterij sancti Pauli extra
 muros urbis electus, ac
 postmodum Romanæ Ec-
 clésiæ Cardinalis creatus,
 sub Summis Pontificibus
 Leone Nono, Victore Se-
 cundo, Stéphano Nono, Ni-
 colao Secundo, & Alexan-
 dro Secundo præcipuis mun-
 neribus, & legationibus
 perfunctus est, sanctissimi,
 & purissimi consilij vir à
 beato Petro Damiani nun-
 cupatus. A Victore Papa
 Secundo Legatus à latere
 in Galliam missus, Lug-
 duni Episcopum Simoniaca
 labe infectum ad sui crimi-
 nis confessionem miracu-
 lo adëgit. Berengarium in
 Concilio Turonensi ad ite-
 ratam hæresis abjuratiõ-
 nem compulit. Cadaloi
 quoque schisma sua virtute
 comprëssit.

te. Inveni David servum
 meum, oleo sancto meo un-
 xi eum: * Manus enim mea
 auxiliabitur ei. *. Nihil

proficiet inimicus in eo, &
 filius iniquitatis non nocë-
 bit ei. Manus enim.

Lesio v.

MOrtuo Alexandro Se-
 cundo, invitus, &
 moetens unânimi omnium
 consensu, decimo Kalendas
 Maii, anno Christi mille-
 simo septuagesimo tertio,
 Summus Pontifex electus,
 sicut Sol effulsit in Domo
 Dei: nam potens opere, &
 sermone, Ecclesiasticæ dis-
 ciplinæ reparandæ, Fidei
 propagandæ, libertati Ec-
 clésiæ restituendæ, extir-
 pandis erroribus, & corrup-
 telis tanto studio incubuit,
 ut ex Apostolorum ætate
 nullus Pontificum fuisse
 tradatur, qui majores pro
 Ecclesia Dei labores, mo-
 lestiasque pertulerit, aut
 qui pro ejus libertate á-
 crius pugnaverit. Aliquot
 Provincias à Simoniaca
 labe expurgavit. Contra
 Henrici Imperatoris im-
 pios conatus fortis per om-
 nia athleta impavidus per-
 mansit, seque pro muro
 domui Israel pónere non
 tímuit, ac eundem Henri-
 cum in profundum ma-
 lorum prolapsum Fideliùm
 communiõne, regnoque
 pri-

privavit, atque subditos populos fide ei data liberavit.

℞. Posui adiutorium super potentem, & exaltavi electum de plebe mea: * Manus enim mea auxiliabitur ei. †. Inveni David servum meum; oleo sancto meo unxi eum. Manus enim.

Lectio vi.

DUM Missarum Sollemnia perageret, visa est viris piis Columba e caelo delapsa humero ejus dextro insidens alis extensis caput ejus velare, quo significatum est, Spiritus sancti afflatu, non humanae prudentiae, rationibus ipsum duci in Ecclesiae regimine. Cum ab iniqui Henrici exercitu Romae gravi obsidione premeretur, excitatum ab hostibus incendium signo Crucis extinxit. De ejus manu tandem a Roberto Guiscardo, Duce Northmanno ereptus, Casinum se contulit, atque inde Salernum ad dedicandam Ecclesiam sancti Matthaei Apostoli contendit. Cum aliquando in ea Civitate sermonem habuisset ad populum ærumnis confectus in mor-

bum incidit, quo se interiturum praescivit. Postréma morientis Gregorii verba fuere: Diléxi iustitiam, & odivi iniquitatem, propterea morior in exilio. Innumerabilia sunt, quæ vel fortiter sustinuit, vel multis coactis in Urbe Synodis sapienter constituit, vir verè sanctus, criminum vindex, & acerrimus Ecclesiae defensor. Exactis itaque in Pontificatu annis duodecim migravit in caelum anno salutis millesimo octogesimo quinto, pluribus in vita, & post mortem miraculis clarus, ejusque sacrum corpus in Cathedrâli Basilica Salernitana est honorificè conditum.

℞. Iste est qui ante Deum magnas virtutes operatus est, & omnis terra doctrina ejus replèta est: ☩ Ipse intercèdat pro peccatis omnium populorum. †. Iste est qui contempsit vitam mundi, & pervenit ad caelestia regna. Ipse intercèdat. Gloria. Ipse.

In tertio Noturno. Horellia S. Hilarii Episcopi in Evangelium: **Vigilate quia nescitis**, ut in Communione Contentoris Pontificis.

Na-

4 Offic. S. Gregorii VII. Pap. & Conf.
Nonæ Lectio de S. Urbano Papa & Mart. Communi Confessor. Pontificis, Oratio. Deus in te sperantium, ut supra.
Missa: Sacerdotes, ut in

URBIS, ET ORBIS.

*S*anctissimus Dominus noster Benedictus XIII. benignè indulgit, atque concessit, ut Officium sancti Gregorii Papæ VII. aliàs à Sacra Rituum Congregatione die 19. Augusti 1719. cum Lectionibus secundi Nocturni, & Oratione propriis pro universo Ordine Benedictino revisum, & approbatum, imposterum ab omnibus Christi fidelibus utriusque sexus, tam Secularibus, quàm Regularibus, qui ad Horas Canonicas tenentur, die 25. Maii sub ritu duplici recitari, & Missa, respectivè celebrari debeat, ac ità in Breviario, ac Missali Romano proponi mandavit. Die 25. Septembris 1722.

N. Cardinalis Coscia.

Loco ✕ Sigilli.

N. M. Tedeschi, Archiepiscopus Apamenus, Sacræ Rituum Congregat. Secretarius.